

Aaj ki raat badi shokh  
Badi natkhat hai  
Aaj to tere binaa  
Neend nahin aayegi  
Ab to tere hi yahaan  
Aane kaa ye mausam hai  
Ab tabeeyat na khayaalon  
Se bahal paayegi

Haay paani ki ye rimjhim  
Ye guledaar phuhaar  
Aise nas nas mein teri  
Chaah jagaa jaati hai  
Jaise pinjre mein kisi  
Qaid pade panchhi ko  
Apni aazaad udaanon ki  
Yaad aati hai  
Ab to aa jao  
Ab to aa jao meri  
Maang ke sindoor suhaag  
Saans teri hai  
Saans teri hai tere  
Naam pe mit jaayegi  
Aaj to tere binaa  
Neend nahin aayegi

Aisi hi raat to wo thhi  
Ke teri nazron ne  
Mujhe pahnaayaa thaa jab  
Pyaar ke kapdon kaa libaas  
Aur us raat bhi aisi hi  
Bharatlyrics.com  
Sharaabi thhi fiza  
Jab teri baahon mein  
Mahki thhi meri saans-o-adaa  
Aur ab aisi  
Aur ab aisi jawaan rut  
Mein akeli main hoon  
Aa jaa warnaa  
Aa jaa warnaa ye shamaa

BHARAT  
lyrics

Kaanp ke bujh jaayegi  
Aaj to tere binaa  
Neend nahin aayegi  
Aaj ki raat badi  
Shokh badi natkhat hai  
Aaj to tere binaa  
Neend nahin aayegi

Hmm hmm hmm  
Par thahar wo jo wahaan  
Par thahar wo jo wahaan  
Lete hain footpaathon par  
Laash bhhi jinki kafan  
Tak na yahaan paati hai  
Aur wo jhonpde chhat  
Bhi na hai sar par jin ke  
Chhaate chhappar hi jahaan  
Zindagi so jaati hai  
Pahle in sab ke liye  
Pahle in sab ke liye ek  
Imaarat gadh loon  
Phir teri maang  
Phir teri maang sitaaron  
Se bhari jaayegi  
Aaj to tere binaa  
Neend nahin aayegi  
Aaj ki raat badi  
Shokh badi natkhat hai  
Aaj to tere binaa  
Neend nahin aayegi.

BHARAT  
lyrics

---

More Lyrics from [Nai Umar Ki Nai Fasal \(1965\)](#)